



Број/Број: **03/4-50-14-6-3/12**
Сарајево/Sarajevo 19. 1. 2012.

U skladu s članom 50. Poslovnika Predstavničkog doma Parlamentarne skupštine Bosne i Hercegovine i članom 44. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06 i 91/07), Zajednička komisija za evropske integracije Parlamentarne skupštine Bosne i Hercegovine, na 6. sjednici održanoj 23. 2. 2012. godine, usvojila je

IZVJEŠTAJ O RADU
Zajedničke komisije za evropske integracije
Parlamentarne skupštine Bosne i Hercegovine
za 2011. godinu

Uvodne napomene

Zajednička komisija za evropske integracije Parlamentarne skupštine Bosne i Hercegovine je stalno radno tijelo. Njena nadležnost regulirana je odredbama člana 57. Poslovnika Predstavničkog doma i člana 51. Poslovnika Doma naroda („Službeni glasnik BiH“, br. 33/06, 41/06, 81/06, 91/06 i 91/07).

Na 2. sjednici Predstavničkog doma Parlamentarne skupštine BiH, održanoj 29. 6. 2011., izabrani su članovi Komisije iz Predstavničkog doma: Vesna Krstović-Spremo, Lazar Prodanović, Nermin Purić, Emir Kabil, Šefik Džaferović i Nermina Zaimović-Uzunović, a na 2. sjednici Doma naroda Parlamentarne skupštine BiH, održanoj 29.06.2011., izabrani su članovi Komisije iz Doma naroda: Halid Genjac, Borjana Krišto, Ognjen Tadić, Stjepan Krešić, Mehmed Bradarić i Staša Košarac.

Na konstituirajućoj sjednici Komisije, održanoj 7.7.2011., izabrano je rukovodstvo Komisije, i to: Halid Genjac, predsjedavajući, Vesna Krstović-Spremo, prvi zamjenik predsjedavajućeg, i Borjana Krišto, drugi zamjenik predsjedavajućeg.

Komisija je od konstituiranja radila na provođenju obaveza utvrđenih poslovnicama, kao i obaveza koje su joj određene odlukama kolegija domova.

Sjednice Komisije u izvještajnom periodu

U izvještajnom periodu Zajednička komisija je održala pet sjednica, a održane su u sljedećim terminima:

1. konstituirajuća sjednica – 7.7.2011.
2. 2. sjednica – 23.9.2011.
3. 3. sjednica – 11.10.2011.
4. 4. sjednica – 23.11.2011.
5. 5. sjednica – 14.12.2011.

Prosjeck prisustva članova Zajedničke komisije sjednicama je 81,67%. Sjednice su u prosjeku trajale 92 minute.

Aktivnosti na sjednicama Komisije praćene su zapisnički. Zapisnike sjednica vodi Ured sekretara Komisije prema usvojenim tačkama dnevnog reda po utvrđenoj proceduri i metodologiji. Zapisnik sa sjednice predlaže se na usvajanje na narednoj sjednici Komisije.

Interna organizacija i procedure

Prema planiranim aktivnostima domova iz nadležnosti Komisije, koje određuju kolegiji Predstavničkog doma i Doma naroda, predsjedavajući Komisije, u saradnji sa sekretarom, organizira i zakazuje sjednicu s prijedlogom dnevnog reda.

Kvorum za rad Komisije čini sedam njenih članova, od čega je najmanje polovina članova Komisije iz svakog doma.

Komisija odlučuje prostom većinom članova koji su prisutni i koji glasaju, uz uslov da ta većina obuhvata najmanje jednu trećinu članova svakog doma koji su prisutni i glasaju i jednog predstavnika iz konstitutivnih naroda, čiji je najmanje jedan predstavnik prisutan i glasa.

Rezultati glasanja, prijedlozi i zaključci koje Komisija usvoji, zapisnički se konstatiraju za svaku tačku dnevnog reda.

Izvještaje koje Komisija podnosi domovima priprema sekretar Komisije u saradnji s predsjedavajućim, a prema potrebi i ostalim članovima Komisije kada to nalažu određeni razlozi.

Zakonodavne aktivnosti

Zajedničkoj komisiji za evropske integracije, u izvještajnom periodu, nije dostavljen nijedan prijedlog zakona za koji je Komisija nadležna.

Aktivnosti vezane za razmatranje i usvajanje ostalih akata

Na pet sjednica, Zajednička komisija za evropske integracije razmatrala je ukupno 26 tačaka dnevnog reda.

U skladu s poslovnicima domova, Komisija je Kolegiju Predstavničkog doma i Kolegiju Doma naroda dostavila sljedeća mišljenja o:

1. Izvještaju o radu Vijeća ministara BiH za 2010. godinu;
2. Izvještaju o stanju provođenja Privremenog sporazuma/Sporazuma o stabilizaciji i pridruživanju za period januar - juni 2011. godine;
3. polugodišnjem pregledu realizacije aktivnosti iz Akcionog plana za realizaciju prioriteta iz dokumenta Evropsko partnerstvo za period januar - juni 2011. godine;
4. Informaciji o procjeni implikacija pristupanja Republike Hrvatske Evropskoj uniji;
5. Inicijativi poslanika Šefika Džaferovića.

Razmatrani su i usvojeni sljedeći dokumenti:

1. Izvještaj o radu Zajedničke komisije za evropske integracije za 2010. godinu i
2. Plan rada Zajedničke komisije za evropske integracije za 2011. godinu.

Ostale aktivnosti Komisije

- učešće na 13. interparlamentarnom sastanku Zajedničke komisije za evropske integracije s Delegacijom Evropskog parlamenta za odnose s Albanijom, Bosnom i Hercegovinom, Srbijom, Crnom Gorom i Kosovom u Briselu;
- konstituiranje Foruma za parlamentarnu saradnju, kao stalnog tijela za saradnju Zajedničke komisije za evropske integracije PSBiH, Komisije za evropske integracije Predstavničkog doma FBiH i Odbora za evropske integracije i regionalnu saradnju Narodne Skupštine RS i održavanje dva sastanka foruma;
- organiziranje, u saradnji sa OSCE-om, Orijentacionog seminara za članove Zajedničke komisije za evropske integracije;
- učešće na seminarima koje je organizirao specijalni predstavnik Evropske unije u okviru trećeg ciklusa "Parlamenta za Evropu";
- organiziranje, u saradnji s Programom podrške BiH u procesu evropskih integracija i koordinacije pomoći evropske zajednice i Direkcijom za evropske integracije BiH, seminara o temi "Uloga parlamenta u procesu pristupanja Evropskoj uniji: iskustva Republike Mađarske i Republike Slovenije za sve poslanike i delegate PSBiH;
- održani su sastanci s Jeržijem Buzekom, predsjednikom Evropskog parlamenta, članovima Komisije za evropske poslove Parlamenta Holandije, i s Egemenom Bagisom, ministrom za evropske poslove u Vladi Turske;
- održani su sastanci s Primožom Veharom, koordinatorom Programa podrške BiH u procesu evropskih integracija, Kristijanom Kovačem i Laslom Vargom iz Parlamenta Mađarske.

Saradnja s drugim institucijama i organizacijama

U izvještajnom periodu Zajednička komisija kontinuirano je saradivala s tijelima Vijeća ministara BiH, naročito s Direkcijom za evropske integracije.

Održani su sastanci s predstavnicima DEI-a, kao stalnog partnera Zajedničke komisije za evropske integracije, i dogovorena saradnja u realizaciji seminara iz oblasti evropskih integracija za sve poslanike i delegate PSBiH.

Zajednička komisija održava posebno intenzivno saraduje s predstavnicima međunarodnih organizacija u BiH, prije svega, Delegacije Evropske unije u BiH, OHR-a, OSCE-a, te ACIPS-a. Realizirana je i saradnja sa institucijama iz nevladinog sektora - Vanjskopolitičkom inicijativom, koja je organizirala nekoliko seminara za članove PSBiH, i Evropskim pokretom u BiH.

Rezime

Uzimajući u obzir datum konstituiranja Zajedničke komisije i na osnovu navedenih aktivnosti u izvještajnom periodu, može se konstatirati da je Zajednička komisija realizirala postavljene zadatke. Naročito značajnim smatramo konstituiranje Foruma za parlamentarnu saradnju, kao stalnog tijela za saradnju Zajedničke komisije za evropske integracije PSBiH, Komisije za evropske integracije Predstavničkog doma FBiH i Odbora za evropske integracije i regionalnu saradnju Narodne skupštine RS-a, u okviru kojeg planiramo unaprijediti funkciju koordinacije svih institucija uključenih u proces integriranja na svim nivoima vlasti u Bosni i Hercegovini.

Zajednička komisija će u narednom periodu kontinuirano nastaviti raditi na realizaciji aktivnosti obuhvaćenih Planom rada.

Predsjedavajući Komisije

Hand Genjac
